


余氏醫述

上冊



余氏醫述

錢罕



## 余氏醫述自序

大凡一部書都有一兩篇序文。或是請知己朋友做幾句。或是請時髦人物說幾聲。作爲本書的面門裝飾。如今我的書要出版了。我也很想請幾位出色當行的人們。忝我這部書吹噓吹噓。介紹介紹。裝裝金。塗塗銀。造成我這部書「一登龍門。聲價十倍」的幸運。但是。一時想不出來。究竟請那幾位去做才好。生計工作又很忙迫。幾個朋友又是雷厲風行的。催促我趕快出版。不容我細細來想出一兩個做序文的人物。正在走頭無路。騰然想起少年時讀過鄭板橋的集。記得他沒有請教別人做序文。我就依樣畫起葫蘆來。索性不去請求別人。自己來說幾句罷了。但是我不請求別人做序文的本意。實在是沒有工夫來想出和去請求。並不是目空一切。以爲全中國沒有配得上做我書序文的人。也不是性情孤僻。意志倔強。不肯低首下心。請教別人提拔。做個「趙孟之所貴」的人。這是要請求人們諒解的。不要誤會了我的本意。將來想得出人來。我還是要請求他做一篇。

我這部書是零零碎碎集合而成的。差不多把民國二三年已後到十四五年爲止。我的思想論說。都收在裏面。已經散失的作品。也頗不少。是無法補充的了。書中議論的對象。差不



多只是我國舊醫書中宗旨可以分別如下。

一、不是和舊醫們奪飯碗。是批評舊醫。喚醒舊醫。要想整理舊醫。改造舊醫。陶鑄舊醫的。我記得有一個朋友對我道。有人批評你的靈素商兌。說是「余雲岫的心思。不過是有了病。一定要找西醫去醫治。而且一定要找余雲岫去醫治就是了。」哈哈。這句話實在是無理取鬧。太不講事實了。不是誇口。我若掛起中醫的牌子來。恐怕可以做成上海不可多得的有名中醫。說不來要做上海第一等的中醫。現在做了西醫。却還夠不上第一等。我若爲了飯碗打算。祇要弄點狡猾。做個騎牆派。做個跨黨分子。着個灰色態度。來混敲混敲。搗搗鬼。我的門庭。一定比現在更加興旺。奪了舊醫飯碗。恐怕舊醫還要來親近親近。何必劍拔弩張。只管挖舊醫的痛瘡。和舊醫壞感情呢。

二、不是和舊醫爭門戶。我是個眞理的忠實信徒。反玄學的激烈分子。講到新舊兩醫。那一重門戶能夠限制得我。他們喜歡談氣運。我就同他談氣運。他們喜歡談易理。我就同他談易理。穿房入戶。升堂入室。連舊醫的廚房。亭子間。屋頂。地下室都走到。簡直可說是沒遮欄。還有什麼界限可分。門戶可爭呢。所以這部書。是舊醫的入室操戈。心腹大患。不是



單單向着舊醫罵山門的技倆。還請讀者注意。

三、不是和舊醫鬧意見。我只是服從真理。憑信科學。見了信口胡言。憑空臆說。我就兩眼冒火星。非是打倒他不行。所以辭意不免激烈。筆鋒不免尖銳。但是我可以說一句。我這部書中抨擊舊醫地方。都是引經據典。或是根據科學。一點兒沒有冤屈他們。誣陷他們。捏造他們的所在。我不是怙過不悛。強詞奪理的卑鄙漢。若是他們果真有精確嚴密的理論。可以壓倒世界的醫學。我是很願意認差。很願意和解。并且很願意投降。大丈夫屈於勢利。屈於威力。或者有點羞恥。至若屈於真理。屈於正義。是天下第一等英雄。何等磊落光明。不是可羞恥的事情。

四、是要醫學之科學化。我認定人身是物質構成的。疾病是實質上發生障礙。醫學是除去身體實質上的障礙。（有一部分疾病。雖然是還不能得實質上障礙的認識。但是我以為這是現代科學。還不能夠發明他就是了。終究要被科學所發明的。）既是實質上的事物。非用科學方法去支配他。終究不能精密翔實。澈底透明。所以用科學的醫術。方才能夠把疾病得了。真正認識。從這真正認識點出發起來。方才能夠真正治療他。真正調



查他真正統計他。真正發明他。對於個人。對於社會。方才能夠研究真正善後法。真正豫防法。這是現代內政上一件極重要的事情。也是外交上一件重要的事情。民族的繁息。民生的改良。國際的遷善。萬萬不能離開科學的醫學。真正認識點。搭起空架子來。講講虛無縹渺的玄理。就能夠切實發展的。這句「醫學之科學化」的話。就是「政治之衛生化。醫學之社會化」的先決問題。在別國是可以不必說得這樣起勁。我這部書也多半可以不必出版。因為他們已經實行許久了。我國人對於科學思想。簡直還在夢裏。尤其是醫學。真是莫名其妙。大部分還不能脫離野蠻民族的氣味。所以我這部書。是救中國醫學。是救現代中國醫學的晨鐘暮鼓。要提起耳朵來聽着。方才可以警醒呢。

我書的宗旨。大約如此。是得是失。是我寸心所知道的。知我罪我。還聽明眼人們公論罷。

中華民國十七年九月二十一日



# 余氏醫述目錄

## 第一卷

靈素商兌

砭新醫附

箴病人附

## 第二卷

國產藥物研究之第一步

研究國產藥物芻議

中華舊醫結核病觀念變遷史

## 第三卷

舊醫學校系統案駁議

致全國各省教育會書代



致全國教育聯合會電代

答潘驥書

駁俞鑑泉經脈血管不同說

## 第四卷

六氣論

結核病發生論

與中醫學會論脈書

與某律師論剖驗書

## 第五卷

與惲鐵樵論羣經見智錄第一書

與惲鐵樵論羣經見智錄第二書

傷寒論研究辨惑

## 第六卷



醫藥正俗

強泄鼻涕之害

共食制與肺癆

我所贊成之一時變

產後起坐之害

產後惡露不多之無害

乳

欬血時之休養法

花柳病之識別

不妊上

不妊下

序啓類稿

傳染病全書序

臨證秘典序



肺病預防及療養法序

傳染病序

微生物序

藥理學序

內科全書序

外科總論序

各病注射療法大全書序

勸速組地方醫師會啓代

血暈說

### 雜著

屠性小兒之解剖

地阿路中毒例

地蒺佛林之一經驗

### 外集

國字表音說

目錄終



# 余氏醫述卷一 靈素商兌

浙江鎮海余 巖雲岫著

## 引說第一

或問於余曰。靈素商兌何爲而作耶。曰。發靈樞素問之謬誤也。曰。自人體解剖之學盛。而筋骨之聯絡。血管神經之分布。臟腑之位置。功能大明。自顯微鏡之製興。而四體百骸之微妙。無不顯露。於是乎官骸臟腑之關係日明。而生理病理之本源流末。漸得其真相。至於今日。強半已爲定論。洞然豁然。不容疑慮。靈樞素問數千年前之書。以粗率之解剖。渺茫之空論。虛無恍惚。其謬誤可得而勝發乎。曰。擷其重要而尙爲舊醫稱說之中堅者。而摧之也。客曰。空談不敵事實。今者新醫日盛。見地日確。前古荒唐無稽之學。將日就湮沒而自盡。不攻而自破。此篇不作可也。曰。靈素之惑人。四千餘年於茲矣。今幸真理日明。混沌荒謬之說。日就衰微。而蓬曲拘滯之士。猶復據守殘喘。號召於世。日以陰陽五行之說。生尅衰旺之論。營惑天下。迷罔來學。使後學不復知更有近情真切之道。可以講求。乃醫學之大魔障也。昔然明有言曰。「愛民如子。見不善者。驅之如鷹鷂之逐鳥爵也。」吾輩以活人仁人爲術。急起直



追斬艾餘孽。使羣趨實學。勿爲空論。以登斯民於壽域。天職也。義務也。仁術也。如之何其勿急也。

曰。自岐黃而降。闡發靈素者。代有其人。扁鵲、倉公、仲景、華佗、紫虛、丹溪、同父、東垣、景岳、瀕湖、警說、充棟。皆爲近世舊醫之城社。顧獨掄擊靈素何也。曰。墮其首都也。塞其本源也。大抵吾國人之心理。重古而輕今。篤舊而疑新。避實而遁虛。惡中庸而喜高玄。無明確之實驗。無鞏固之證據。以意左右人。異其說。聚訟千載。迄無定論。其最終之目的。最高之城府。則在引證古言。以爲護身之符。而不問實物真相是非合不合也。讀山海之經。而議今日輿地爲不足信。惑分野之說。而譏今日星學爲無可憑。拘泥舊醫。何以異是。是故積數千年而國勢不長。學術不進。儒鑿於思。孟醫錮於岐黃。鑿空逃虛。不徵事實。其中毒久矣。不殲內經。無以絕其禍根。倉鵲而下。無譏可也。

客曰。西學東漸。國勢日蹙。有志之士。日汲汲焉。以保存國粹爲急務。吾國醫學發源最古。岐黃而後。世有哲人。技之精者。幾於起死。史傳所載。私乘所記。不可謂盡誣也。卽今鄉曲之中。目不識丁者。持草藥以治蛇蟲之螫。亦往往驗焉。夫以四千餘年相承繼之學問。代有發明。

高文典冊。裊然成帙。奏功驅疾。往往而效。將必有至理存乎其間。好學深思。表而出之。以發揮祖國之光輝。豈非愛國志士所宜任哉。而子乃欲一筆抹煞之。無乃忍乎。曰。客能知此。可與議論矣。茲吾所爲急欲培植靈素也。夫所謂國粹者何也。國所與立之精神也。吾國吾種。四千餘年。治亂興廢。至今尙存者。其立國精神。乃在舊醫乎。粹者美之之辭。無美足揚。徒以其歷史之久。蔓延之廣。震而驚之。謂之國粹。是何以異於蜣螂之寶糞土。鴟鴞之嚇腐鼠耶。彼婦女纏足之風。輕盈蓮步。何乃不謂之國粹而保之耶。幾千年專制君主政體。亦有堯舜禹湯文武漢文。帝唐太宗之治。何乃不謂之國粹而保之耶。彼舊醫之所陳述。骨度脈度。筋度內景。皆模糊影響。似是而非。質以實物。關口奪氣。無餘地可以置辯也。稱道陰陽。陳說五行。下與祝卜星相。瞽巫爲伍。故古多以巫醫並稱。則固世人所輕視。非有國粹之價值也。其所以治療有效者。則數千年以人命爲嘗試。積之既久。幸中偶合者。日益加多。猶多言之必有中也。黠者網羅成績。勒爲成書。以詔來茲。後起者循而爲之。往往合焉。然而無堅固不拔之原理。以爲之基。無精確詳密之研究。以作之證。故界限不明。分別不嚴。源流不悉。診斷不確。治療不定。結果不知。差以毫釐。失之千里。同一藥石。活人殺人。不能預卜。幸而中病。或能

起痼。不幸而藥不對症。雖良方亦足害人。至其何以活人。何以殺人。何以中病。何以不對症。舊醫不自知也。徒以陰陽五行生剋之說。補瀉佐使之論。敷衍了事。鑿七日而混沌依然。此其弊在無精確之理論實驗。不能悉疾病之眞態。不知藥物入於體內。作如何化學物理學之影響也。故雖有良藥奇方。由之而不知其道。歷千餘年而尙在朦朧恍惚之中。古方今病。聚訟不休。呶呶千載。迄無定論。何哉。無確實可宗之道。以爲因也。是故吾國之藥物。容有良品。處方亦容有奇驗者。四千餘年來之經驗。誠有不可厚非。而無如其學說理論。則大謬而無有一節可以爲信。皮之不存。毛將焉附。乃至蛇蠍螫。乞靈於鄉曲目不識丁之徒。雖欲發表其功績。將若何而言之。爲今之計。惟有撲滅一切不根之虛說。導來者以入於科學實驗之途。以今日生理病理醫化學藥物學等研究法。發我寶藏。或有閃爍宇宙之望乎。已而已。而循舊醫之道。吾國醫學永無光明之日。雖欲保之。將奈之何哉。將奈之何哉。

靈素非黃帝書也。繹其詞氣。籀其文章。蓋戰國秦漢諸子之流亞也。其中祖述前言。非無軒轅遺訓。而皆託之黃帝。斯爲過耳。歷代儒者。如朱晦庵等。皆有譏議。余著此篇。不備引以爲犄角之援者。蓋不欲乞靈古人。鬬空論以相勝。而蹈前人之覆轍也。凡欲以徵實而已。

## 陰陽五行第二

通觀靈素全書。其爲推論之根據。演繹之綱領者。皆以陰陽五行爲主。故陰陽五行之說破。而靈素全書。幾無尺寸完膚。豈惟靈素。豈惟醫學。凡吾國一切學術。皆蒙陰陽之毒。一切迷信拘牽。皆受陰陽五行之弊。邪說之宜擯也久矣。十年以來。有識之士。辭而闢之者。頗不乏人。顧欲辨此。非多爲論難。不可。恐陷空論。故此篇特舉翔實可證者言之。不欲以言語勝也。在昔上古文化未開。人民崇信鬼神。故治天下者。卽以神道設教。印度有婆羅門。埃及有僧侶。中夏則有巫祝。卽所謂陰陽家也。皆秉莫大之權力。爲民司命。歐西醫術。出於僧侶。中夏醫術。出於陰陽家。環球一轍。爲人類進化學術發達之公路。由之而莫能離者也。素問云。『古之治病。可祝由而已。』周官巫馬之職云。『掌養疾馬而乘治之。相醫而藥攻馬疾。』管子權篇曰。『好用巫醫。』太玄元數篇曰。『爲醫爲巫爲祝。』海內西經曰。『開明東有巫彭。巫抵。巫陽。巫履。巫凡。巫相。夾窳窳之尸。皆操不死之藥以距之。』郭璞注曰。『皆神醫也。』世本曰。『巫彭作醫。』廣雅曰。『醫巫也。』隨志醫方家。有郟子說陰陽經一卷。而古醫字或從巫。此皆古代醫出於陰陽家之左證。其支者。流爲神仙方術之士。金丹導引之術。故醫

家所以解釋病源。品定藥性者。不出陰陽五行。由是觀之。靈素之淵源。實本巫祝。宜其篤守陰陽五行之說。而不敢畔也。

夫所謂陰陽者。猶物之有表裏。靜動。數之有盈虛。度量之有修短。輕重。動植之有男女雌雄。磁電之有反正。化學之有酸鹼。凡物之性之相反者。皆得而名之。其意不過如此。其用亦不過止此。非有神妙不測之玄機。包於其中也。自陰陽家言之。以配天地。以統萬物。遂爲不可思議之種子。素問陰陽應象大論曰。「陰陽者。天地之道也。萬物之綱。變化之父母。生殺之本始。神明之府也。治病必求其本。」又曰。「積陽爲天。積陰爲地。陽化氣。陰成形。清陽出上竅。濁陰出下竅。」是則彼所謂陰陽者。神祕不可思議。爲造物之主宰。其大要以天地爲主。以上下爲位。以形氣爲體。由此而推之。彼見火炎上而水就下也。則曰水爲陰。火爲陽。火熱而水寒也。曰陽熱陰寒。古有天動地靜之說。則曰陰靜陽躁也。此種謬說。今日無可駁之價值。雖然。請略言之。彼所謂天者何也。曰積陽也。陽者何也。曰氣也。卽積氣爲天也。自今日考之。天無物焉。地者八大行星之一。天地可偶乎。氣亦有形。稠空氣而寒之。則成液。蒸水而沸之。則爲氣。形氣有定乎。火炎上。水就下。以爲陰陽。而不知水火之所以上下也。夫地面有空

氣空氣有浮力。地爲大物。其心有引力。故地面之物。皆受此兩力之影響。物之輕者。地心引力不敵空氣浮力。故騰而上昇。物之重者。空氣浮力不敵地心引力。故沉而下降。水重於空氣。故下降。火者輕於空氣之氣體。熾熱而發光。故上炎也。是則彼所謂水陰火陽者。直以輕於空氣者爲陽。重於空氣者爲陰矣。彼空氣者。擴布於地表面上。下屬之陽乎。屬之陰乎。彼空氣有質有重。以地心引力之故。多聚集於下。故遠地之空氣稀薄。近地之空氣濃稠。是空氣兼有浮沉兩態。將謂其在上者稀者陽。而在下者稠者陰乎。藉曰是也。而其界限將若何而定之。又彼以氣爲陽。而以下沉者爲陰。則如養氣綠氣之類。重於空氣者。屬之陰乎。屬之陽乎。此可知陰陽之說。與其綱紀萬物之法。至謬誤疏陋。不足爲精密學術之根基也明矣。至於五行之說。尤屬不根。其在印度歐西。則分四行。曰地。曰火。曰風。曰土。中夏則別爲五行。曰金。曰木。曰水。曰火。曰土。是東西已不相同。孰得其真。已不可辨。其爲恍惚無憑之說。於此可見端倪。徒以中外隔絕不通。無異說以資參考。故坐井觀天。墨守其五行之說。自以爲得造化之精奧耳。原夫古人所以創爲四行五行之說者。不過分別萬彙。使以類相從。而挈其綱也。古人以爲天地萬物。皆五行相薄而成。是五行者。五原質也。而朱子以水火土石爲地。